

Ymateb i Covid-19 – Hysbysiad Preifatrwydd

Wedi i chi gyflwyno eich prawf, mae'r llythyr hwn yn egluro beth fydd yn digwydd gyda chanlyniadau eich prawf.

Mae Bwrdd Iechyd Prifysgol Betsi Cadwaladr (BIPBC) ac Iechyd Cyhoeddus Cymru (PHW) yn cydweithio fel bod eich prawf yn cael ei gymryd a'i ddadansoddi mor gyflym â phosibl. Maent wedi ymrwymo i sicrhau bod canlyniadau eich prawf yn cael ei ddanfôn atoch yn y ffordd fwyaf effeithlon a diogel yn y cyfnod anodd hwn.

Bydd BIPBC ac Iechyd Cyhoeddus Cymru yn derbyn gwybodaeth amdanoch chi gan eich cyflogwr. Bydd y Bwrdd Iechyd yn casglu eich prawf, a bydd Iechyd Cyhoeddus Cymru yn ei ddadansoddi. Bydd yr holl ganlyniadau'n cael eu rhoi ar eich cofnod iechyd digidol. Pan fydd y canlyniadau ar gael, maent yn cael eu storio'n ddiogel yn electronig ar system gyfrifiadurol Iechyd Cyhoeddus Cymru. O'r pwynt hwnnw, rydym yn defnyddio sefydliad partner dibynadwy, Healthcare Communications fel prosesydd data sy'n gweithio ar ein rhan. Byddant yn cael mynediad at eich canlyniad ac yn ei rannu â chi drwy neges destun gan ddefnyddio'r rhif ffôn symudol a roddwyd gennych chi.

Sylwer, os ydych yn weithiwr allweddol, bydd eich cyflogwr ac aelod o'ch cartref hefyd yn cael gwybod beth yw canlyniad eich prawf fel y gellir rheoli'r holl oblygiadau angenrheidiol

Dylech roi gwybod i'ch cyflogwr am ganlyniadau unrhyw aelod o'ch cartref a allai effeithio ar eich presenoldeb yn y gwaith. Fe'ch atgoffir, dan ddeddfwriaeth Iechyd a Diogelwch, bod gofyn i chi gydweithredu â'ch cyflogwr er mwyn caniatáu iddynt gydymffurfio â'r gyfraith. Rydym yn diolch ymlaen llaw i chi am eich cydweithrediad.

Os hoffech fwy o wybodaeth am sut mae Bwrdd Iechyd Prifysgol Betsi Cadwaladr ac Iechyd Cyhoeddus Cymru yn trin eich data personol, neu sut ydym yn gweithio gyda phroseswyr data, ewch i'r gwefannau canlynol ble gallwch weld y prif hysbysiadau diogelwch.

Os oes gennych unrhyw bryderon neu gwynion am y ffordd yr ymdriniwyd â'ch data personol gan unrhyw sefydliad sy'n rhan o'r broses hon, dylech eu cyfeirio i ddechrau at Swyddog Diogelu Data'r sefydliad hwnnw. Fodd bynnag, os ydych yn parhau'n anfodlon, gallwch gwyno i'r Comisiynydd Gwybodaeth drwy fynd ar wales@ico.org.uk

BIPBC: <https://bipbc.gig.cymru/use-of-site/polisi-preifatrwydd/>

Iechyd Cyhoeddus Cymru: <https://icc.gig.cymru/defnydd-y-safle/hysbysiad-preifatrwydd/>

Arwyddwyd ar ran Bwrdd Iechyd Prifysgol Betsi Cadwaladr

Enw:
Llofnod:



Swydd: Gwarcheidwad Caldicott
Dyddiad: 05/05/20

Arwyddwyd ar ran Iechyd Cyhoeddus Cymru

Enw: **John Lawson**

Llofnod:



Swydd: **Swyddog Diogelu Data**

Dyddiad: **01/05/2020**